



**Нийтийн албанд нийтийн
болон хувийн ашиг сонирхлыг
зохицуулах, ашиг сонирхлын
зөрчлөөс урьдчилан сэргийлэх
тухай хууль**

ДАСГАЛ АЖИЛ

Урьдчилан сэргийлэх,
соён гэгээрүүлэх хэлтэс
2012 он

Мөнхөө “Их хотын барилга” ХХК-д инженерээр ажиллаж байгаад 2011 оны 9 дүгээр сард Барилгын яамны Хот төлөвлөлтийн хэлтэст мэргэжилтэн болов. Түүнийг хэлтсийн дарга нь Засгийн газраас хэрэгжүүлж буй хөтөлбөрийг хэрэгжүүлэх хүрээнд нэр бүхий барилгын компаниудтай гэрээ байгуулан ажиллахыг 2012 оны 6 дугаар сард үүрэг болгожээ. Мөнөөх барилгын компаниудын дотор “Их хотын барилга” ХХК орсон байв. Мөнхөө энэ ажлаас татгалзав.

Мөнхөө дээрх ажлаас яагаад татгалзсан бэ?

**Харилцаа холбооны зохицуулах хорооны
хэлтсийн дарга Цэрэн нь нэгэн үүрэн
телефоны оператор компанийн
хэрэглэгчдэд шинээр санал болгож
байгаа дэвшилтэт технологийн
бүтээгдэхүүн үйлчилгээний
сурталчилгаанд оролцож, мэргэжилтний
хувьд саналаа илэрхийлэв.**

**Цэрэнгийн үйлдлийг зөвшөөрч
болох уу? Яагаад?**

Улсын Их Хурлын гишүүн Хасбатдорж нь ядуурлыг бууруулах чиглэлээр Амьдрах ухаанд сургах сургалтын төв байгуулан ажиллуулж, ядуу өрхийн гишүүдийг үнэгүй сургаж чадавхижуулах үйл ажиллагаа явуулдаг. Түүнийг уг ажлыг давхар хашиж байгаа нь хууль тогтоомжид нийцэж байгаа эсэх талаар иргэн Сувд УИХ-ын Ёс зүйн дэд хороонд гомдол гаргажээ. УИХ-ын гишүүн хууль зөрчсөн үү?

УИХ-ын гишүүн Хасбатдоржийн үйлдэл хууль зөрчсөн үү? Яагаад?

**Төв аймгийн 10 дугаар сургуулийн
захирал Бурмаа мод тарьдаг бөгөөд
үүнээс бага бус орлого олдог.**

Бурмаа хууль зөрчсөн үү? Яагаад?

**Дорж цагдаагийн тусгай хэлтэст 20 жил
ажиллаж байгаад өөрийн хүсэлтээр
чөлөөлөгдөв. Тэрээр дөрвөн сарын дараа
“Зоригт эрс” хэмээх хамгаалалтын албыг
байгуулан хамгаалалтын албаны гэрээт
харуул ажиллуулах зөвшөөрлийг өмнө
ажиллаж байсан байгууллагын хэлтсийн
даргаасаа хүсчээ.**

Дорж хуулийн ямар заалтыг зөрчсөн бэ?

**Хувиараа эм ханган нийлүүлэх байгууллага
ажиллуулж байсан Солонго нэгэн дүүргийн
мэргэжлийн хяналтын хэлтэст ажилд
оржээ. Солонго шинэ ажилд орох үед шинэ
ажлынхаа удирдах албан тушаалтанд
эрхэлж байсан албан ажлынхаа талаар
бичгээр мэдэгдсэн байна. Мэргэжлийн
хяналтын хэлтсийн дарга нь энэ
танилцуулгыг хүлээн авч 45 хоногийн
дараа “Жилд 20 саяас дээш орлого олдог
тул ажлаасаа чөлөөлөгдөх шаардлагатай”-г
мэдэгдсэн байна.**

Энд хуульд нийцээгүй үйлдэл байна уу?

Яагаад?

**Иргэн Баяр нь төрийн өмчит компанид
гадаад харилцаа хариуцсан орлогч
захирлаар ажилладаг. Тэрээр дүүргийн
Татварын хэлтэст гадаад харилцаа
хариуцсан мэргэжилтнээр орсон бөгөөд
ажилд орсон даруйдаа хэлтсийн дарга
Доржид энэ тухай бичгээр
танилцуулсан байна.**

**Энэ тохиолдолд хэлтсийн дарга
хэрхэх ёстой вэ?**

Баянгол дүүргийн Засаг дарга дүүргийн Засаг даргын Тамгын газрын ажилтнуудыг сургах, чадавхижуулах чиглэлээр хөтөлбөр батлав.

Хөтөлбөрийг хэрэгжүүлэхэд дэмжлэг үзүүлэх зорилгоор Сүхбаатар дүүргийн нутаг дэвсгэрт боловсрол олгох чиглэлээр үйл ажиллагаа явуулдаг “Мэдлэг” төрийн бус байгууллагаас ажилтнуудад нь зориулсан сургалтыг үнэ төлбөргүй явуулах саналыг дүүргийн Засаг даргын Тамгын газрын даргад тавьжээ.

Үүнийг дүүргийн Засаг даргын Тамгын газрын дарга хүлээн зөвшөөрч, сургалтыг үнэ төлбөргүйгээр авчээ.

Энд хууль зөрчсөн үйлдэл байна уу? Яагаад?

**Сургуулийн барилга барих тендер
шалгаруулалтыг зохион байгуулж буй
ажлын хэсэг уг үйл ажиллагаатай
холбогдох гадаад орны туршлага судлах
зорилгоор мэдээлэл олж авах гэтэл ажлын
хэсгийн байрлаж буй газрын албан конторт
интернэтийн сүлжээ ороогүй байв. Иймд
ажлын хэсгийнхэн ажлын хэсгийн
гишүүдийн хэрэгцээнд модем авч өгөхийг
хамтран ажилладаг хуулийн этгээдээс
хүсчээ.**

**Тендер шалгаруулах комиссын гишүүд уг
модемыг авч болох уу?**

Хандгайтын Мөнгөний орд газрын эзэмшдэг төрийн өмчит “Sil-Mon” компанийн ТУЗ-ийн даргыг улируулан сонгох эсэх асуудлыг хэлэлцэхээр ТУЗ-ийн гишүүдийг хурлын танхимд орж ирцгээхэд гишүүд тус бүрийн суудал дээр ТУЗ-ийн дарга мэндчилгээний хамт мөнгөн эдлэл тавьсан байх бөгөөд энэхүү “гэнэтийн бэлэг” нь ямар учиртай дохио болохыг ойлгосон гишүүд санал нэгтгэйгээр Эрдэнэбатыг улируулан сонгосон байна. Үүнийг нь Эрдэнэбат өгөөмөр үнэлж, гишүүдийн нийгмийн асуудлыг шийдвэрлэх нэрийдлээр гишүүд тус бүрт компанийн хөрөнгөөр тохилог орон сууцыг 50 хувийн хөнгөлөлттэйгээр худалдан авах нөхцөл бүхий эрхийн бичгийг санал болгожээ.

Энэ тохиолдолд хэн нь хууль зөрчсөн бэ? Яагаад?

**Нэгэн яамны санхүүгийн хэлтсийн дарга
Жавзан яамных нь өргөтгөлийг хийж
дуусгасан “Си энд Ю” компанийн
санхүүжилтийг 3 хоногийн дотор
шийдвэрлэх үүргийг гэрээгээр хүлээсэн
байв. Гэтэл Жавзан уг компанийн
удирдлагад хандан, санхүүжилтийг
шийдвэрлэхээс өмнө бичиг баримтын
зардал гэх 50 мянган төгрөгийг яамны
дансанд хийхийг шаарджээ.
Жавзан хориглолт, хязгаарлалтыг
зөрчсөн үү? Яагаад?**

Нэгэн дүүргийн Онцгой байдлын хэлтсийн олон нийттэй харилцах тасгийн дарга, “Оны шилдэг залуу”-гаар шалгарсан Амар “Онцгой байдлын үед иргэн та юу хийх вэ?” арга хэмжээний үр дүнгийн талаарх ээлжит мэдээллийг телевизээр хийжээ. Энэ мэдээллийг сонссон нэгэн иргэн “Манай байгууллага аврах тусгай хэрэгслийн тоног төхөөрөмж нийлүүлдэг юм. Танай байгууллагаас зохион байгуулдаг телевизийн нэвтрүүлгийн дундуур танаар сурталчилгаа хийлгэе” гэсэн санал тавьжээ.

Амар энэ саналыг зөвшөөрч болох уу? Яагаад?

**Газар тариалан эрхэлдэг “Арвин ургац”
ХХК-ийн хяналтын зөвлөлийн гишүүнээр
ажиллаж байгаад 2010 оны 11 дүгээр сард
Хөдөө аж ахуйн яамны харьяа агентлагийн
даргаар томилогдсон Аюуш 2012 оны 7
дугаар сарын 3-ны өдөр өөрт олгогдсон эрх
мэдлийнхээ хүрээнд “Арвин ургац” ХХК-д
төсвөөс их хэмжээний мөнгөн дэмжлэг
олгох шийдвэрийг гаргасны улмаас
нийтийн албанаас халагдсан байна.**

Аюуш яагаад халагдсан бэ?